



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

Caput XX. Quæ sunt juris Ecclesiastici Principibus Sæcularibus
commendantur.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

Sæcul. XVI.
A. C. 1563.

§. XCII.

*De Principum patrocinio erga
Clericos.*

C A P U T XX.

*Quæ sunt juris Ecclesiastici Principibus
Sæcularibus commendantur.*

„Cupiens sancta Synodus Ecclesiasti-
„cam disciplinam in Christiano po-
„pulo non solum restitui, sed etiam per-
„petuo fartam a quibuscunque impedi-
„mentis conservari, præter ea, quæ de
„Ecclesiasticis personis constituit, sæcu-
„lares quoque Principes officii sui ad-
„monendos esse censuit, confidens, eos
„ut Catholicos, quos Deus sanctæ fi-
„dei, Ecclesiæque protectores esse vo-
„luit, jus suum Ecclesiæ restitui non
„tantum esse concessuros, sed etiam sub-
„ditos suos omnes ad debitam erga Cle-
„rum, Parochos, & superiores Ord-
„nes, reverentiam revocatos, nec
„permisuros, ut Officiales, aut inferio-
„res Magistratus, Ecclesiæ, & perso-
„narum Ecclesiasticarum immunitatem,
„Dei ordinatione, & Canonicis Sanctio-
„nibus constitutam, aliquo cupiditatis
„studio, seu inconsideratione aliqua,
„violenter, sed una cum ipsis Principibus
„debitam sacris summorum Pontificum,
„& Conciliorum constitutionibus obser-
„van-

vantiam præstent: decernit itaque, & præcipit Sacros Canones, & Concilia Generalia omnia, nec non alias Apostolicas sanctiones, in favorem Ecclesiasticarum personarum, libertatis Ecclesiasticæ, & contra ejus violatores editas, quæ omnia præsentì etiam decreto innovat, exacte ab omnibus observari debere, prætereaque admonet Imperatorem, Reges, Respublicas, Principes, & omnes, & singulos, cujuscunque status, & dignitatis extiterint, ut, quo largius bonis temporalibus, atque in alios potestate sunt ornati, eo sanctius, quæ Ecclesiastici juris sunt, tanquam Dei præcipua, ejusque patrocinio tecta, venerentur: nec ab ullis Baronibus, Domicellis, Rectoribus, aliisque Dominis temporalibus, seu Magistratibus, maximeque ministris ipsorum Principum, lædantur, sed severe in eos, qui illius libertatem, immunitatem, atque jurisdictionem impediunt, animadvertant, quibus etiam ipsimet exemplo ad pietatem, Religionem, Ecclesiarumque protectionem existant, imitantes anteriores, optimos, Religiosissimosque Principes, qui res Ecclesiæ suæ in primis auctoritate, ac munificentia auxerunt, nedum ab aliorum injuria vindicarunt: adeoque in ea re

Sæcul. XVI.
A.C.1563.

Sæcul XVI
A. C. 1563.

quisque officium suum sedulo præstet, quo cultus divinus devote exerceri, & Prælati, ceterique Clerici in residentiis, & officiis suis quieti, & sine impedimentis, cum fructu, & ædificatione populi permanere valeant.

Hujus tenoris erat decretum illud, quod Principum Laicorum emendationem concernit, ac in prioribus conventibus tanto fervore agitabatur, ut Ferrerius Franciæ Orator suam oppositionem interponeret: equidem hoc decretum antea magis erat extensum, prout retulimus, verum difficultates, quæ tam a Gallis, quam a Lunensi Comite Hispaniæ Oratore opponebantur, tantum effecerunt, ut Patres plura delere, alia moderari, atque ad præsentem normam restringere coacti fuerint (*) nihilominus, etiamsi hoc decretum tantopere fuerit restrictum, Galli tamen nunquam illud receperunt, quia Synodus ibidem præcipit, ut omnes Pontificum

(*) Si Pontifices, Ecclesiastici, & Monachi tantam contra Reformationis articulos repugnantiam ostendissent, nonne Continuatoris calamus nunquam cessasset, illos traducere, tanquam unicas causas omnium tumultuum, qui per hæreticos in Christiano orbe fuere fuscitati: ecce! quam sincerum fuit apud nonnullos Reformationis desiderium.

ficum Constitutiones in favorem Eccle-
 siasticorum sancitæ effectui darentur, quod Gallis nimis amplum videtur, plu-
 resque reperiuntur Decretales, quæ in Regno nunquam fuerunt receptæ.

Sæcul. XVI.
 A C 1563.

§. XCIII.

Clausula Synodi decretis apposita.

C A P U T XXI.

*In omnibus salva Sedis Apostolicæ Aucto-
 ritas maneat.*

„Postremo sancta Synodus omnia, &
 „singula, sub quibuscunque clau-
 „sulis, & verbis, quæ de morum re-
 „formatione, atque Ecclesiastica disci-
 „plina, tam sub felicitis recordationis
 „Paulo tertio, ac Julio tertio, quam sub
 „Beatissimo Pio quarto Pontificibus Ma-
 „ximis, in hoc sacro Concilio statuta
 „sunt, declarat, ita decreta fuisse, ut
 „in his salva semper Sedis Apostolicæ
 „auctoritas & sit, & esse intelligatur.,
 Ceterum cum Galli decreta sub Julio III.
 edita nunquam approbarint, atque ante
 Synodi suspensionem, prout memoravi-
 mus, recesserint, hinc vigesimum primum
 hoc caput æque, ac clausula ad finem
 Concilii apposita ibidem approbatio-
 nem non obtinuit: porro his ea
 die Sessio absolvebatur.